

金石萃編

掃葉山房

唐駝署

房發行

金石年編

楊

唐
書
卷
之
一

金石萃編卷七十

賜進士出身 誥授光祿大夫刑部右侍郎加七級王起誨

唐三十

馮本紀孝碑

碑下闕一字連額約高八尺九寸三分廣四尺一寸二十六行行五十字隸書篆額今在高陵縣

大唐故亳州錄事參軍事上騎都尉馮府君紀孝之碑

正議大夫□□□書少□□□朝隱撰

嫡子銀青光祿大夫雷直昭文館上柱國長樂縣開

國男敦直書

夫元亨利貞開物之細鍵也典謨訓誥設範之源流也

變通周於三古而□□其情浸潤洽於九區而人乘其

利□□之播歲探其微如簪之折日取其半萬代而不

盡 府君之道歟 府君諱本字□□長樂信都人也

周之爲主天子授目丕基晉則有人丞□登其寵渥自

後衣冠代追組綬駢驅邦家必聞出幽都而獨秀名教

可樂入魏國而先鳴 曾祖□後魏外兵參軍北地郡

丞昂藏絕羣耿介負俗其功可立思與主而吁噓其道

不行視危邦而傲睨 祖悅字文朝驃騎將軍定安□

郎中令與隋文帝有舊辟命不出去病目威名動俗昇

之驃騎雖齒目故舊生贊封目什方國步重清出爲嘉

州峨嵋縣令仁恩浹於旋乾信義流於閭閻 父賢隋

按書郎國初率子弟應接義旗加通議大夫檢校定州

北平縣令蒼正篆籀之指歸陰陽數術之城府莫不備

窮制造妙盡精微建功則與天會雷委質□□□□

□重規沓矩驥□鵬飛爲珠則漢水聯華爲玉則崑山

動色 公波瀾萬仞節目千丈□衣弊水見耕升之爲

文鼓□□□□□成字草隸斯盡筋六備存或取

以龜圖或詳諸鳥跡或理窮靈妙或思盡豪區以之象

形穎脫於卉載以之會意□□□□□□□解褐

利州參軍徙絳州參軍類丁憂去職結廬在墓負土成

墳父兮母兮鞠我□我取敬取愛以尊目嚴事□□□

□□□茶蓼陟屺帖而不見行碎肝□僅全毀滅之

中重起簪裾之內服閱遷淄州錄事□□乾封中入計

上臨軒問□□□□□□□王是臨奇歎不入

九十百爲日月歲資艸枯盡有爲之門倉垣虛不急之

事□□庚壹粒積成九稔之儲露□□□□□□之

產 陛下以損爲未損微臣目安爲未安爰下 天書

載牧垆澤有犯無隱皆□□也尋擢亳州錄事參軍如

□□□□□□□如網提綱得鳥期於一目功無

所蔽過無所容巡察使以清白聞秩未進於□□名已

登於岱錄曰咸亨四年□□□□於官春秋六十
有四人吏傷心仰徽容其若疚友朋交辭顧支體其如
失 夫人恒農揚氏繼夫人上□□□□□□□□

交接為國則土字齊封陽數奇陰數偶日久視元年五
月廿二日合祔於 先塋禮也嗣子銀青光祿□□□

才備於四科 帝獎隆於三篋若韋□之銘寶器若李
斯之篆銅人挺生閒起角立傑出兼張華之博物若孔

光之深慎剖析疑滯則明鏡見膽銘裁得失則利劍吹
毛□□劬勞未盡因極之報匍匐感咽庶祈不朽之文

朝隱竹簡舊遊蓬山遺老有企無愧考行直書迺銘其
言俾刻於石冀東鹵南北口夫子之墳焉其辭曰

爪瓠縣 系於周季畢公是出畢萬是遷仕晉何代封
魏何季食菜命氏馮鄉有焉符運代起水火更□□燕

稱孤入魏為相士流模楷名教宗匠冠冕搢紳允歸時
望光 郡丞挺生其後昂藏獨得耿介自守辭疾丘園

養高林藪誰即干駟非義不受赫 驃騎聲雄五都盈
尺美玉徑寸明珠盧綰即舊雍齒何辜或出或處與時

並驅爰降異靈是生良宰陰陽數術篆籀文彩橋鷲未
振潛龍有待昌忠事君其跡斯在鳳鳴有鳴□□有駒

鵠鳴鏘之駒行昂之登□胄子擢於上庠參卿軍事其
道逾光盡節匡嘗受命河洛典茲制舉繩違景毫物情
刻刃代務□□無謂我固藏舟於壑哀、嗣子端之餘
生孝友成性忠貞令名通於天地感於神明冀搖雄筆
以紀頌聲千秋萬歲灌木豐草子孫盈門軒車□道或
青或紫昌拜昌掃披其遺文與天同老

先天元年歲次壬子十一月景寅朔口日壬申討

供□□□□慎非鐫字

右碑中斷金石家以上截作亳州錄事參軍殘碑下

截作紀孝碑者非是 關中金石記

右亳州錄事參軍馮本紀孝碑在高陵縣碑已斷中

央損五十餘字撰文者名朝隱而闕其姓考唐書文

藝傳閭朝隱先天中為祕書少監此碑文云朝隱竹

簡舊遊蓬山遺老題銜書少二字可辨祕字亦存其

半知為閭朝隱無疑也馮君卒於咸亨四年以久視

元年葬先天元年樹碑距葬時已十三年矣碑為嗣

子銀青光祿大夫留直昭文館敦直所書歐趙諸家

俱未收錄顧氏記金石文字始錄之又別出亳州錄

事參軍一碑其實即此碑之上半誤分為二目碑書

既作狐敦作姦皆別體 潘研堂金石文徵尾

按銘詞云瓜瓞縣系於周年畢公是出畢萬是遷仕晉何氏封魏何年食菜命氏馮鄉有焉通志氏族略云馮氏姓纂云周文王第十五子畢公高之後畢萬封魏支孫食采於爲城因氏焉漢書秦末馮亭爲上黨太守入趙其宗族或留潞或在趙秦丞相去疾御史大夫劫漢博成侯母擇竝亭之後也碑敘先世大略與此合祖悅父賢周隋書俱無傳碑稱父賢蒼正篆籀之指歸陰陽數術之城府又稱公善草隸或取龜圖或詳鳥跡稽之書譜俱不載此碑爲嫡子敦直隸書足徵其家學淵源矣

契苾明碑

碑高一丈三尺五寸廣六尺共三十六行行七十七字正書額題大唐故大將軍涼國公契苾府君之碑

篆書今在咸陽縣

大周故鎮軍大將軍行左鷹揚衛大將軍兼賀蘭州都

并序

督上柱國涼國公契苾府君之碑銘

肅政御史大夫上柱國婁師德製文

左肅政御史駁元祚書

原夫哲后時乘聖人貞觀必俟風雲之應以光朝列尤資棟幹之材式隆王道若乃傑出文武挺生才俊道符

忠孝性與清勤高視於寢賈之前獨步於韓彭之上肘響名教蟬聯口組許史焉可儔金張莫能匹四海慕其風範千里仰其談柄玉質金箱探蹟索隱沒而不朽其惟賀蘭都督涼國公之謂哉君諱明字若水本出武威姑臧人也

聖期爰始賜貫神京而香逐芝蘭辛隨薑桂今屬洛州永昌縣以光盛業焉原夫仙窟延社吞電昭慶因白鹿而上騰事光圖諫遇奇峰而南逝義隆繚簡邑恒於是巨精鮮卑由其號魄恤靈於前涼之境茂族於洪源之基良史肅焉此可略而誌也曾祖哥論易勿施莫賀可汗遞襲珪璜夙傳弓冶共棲梧而比翼與良玉而齊價濯如春柳勁逾霜竹英名振白山雄圖光紫塞祖繼莫賀特勒積代爲英傑之先光圖絢史保家爲名教之首揆今起昔宏材膠葛洪源浩汗映竹史而騰芬綴綿書而擅響父河力鎮軍大將軍行左衛大將軍檢校鴻臚卿檢校左羽林大將軍上柱國涼國公贈輔國大將軍使持節并汾箕嵐四州諸軍事并州大都督諡曰毅公基積膏腴門標英偉發言會規矩動容成指則學該流略文超賈馬威青海而安白道光三部而截九夷揆務口司爲羣僚之宗口膺榮蘭錡成立戎之准的而鐘漏斯盡而贈崇班聿加千里之

崇俄處六條之位哀榮之禮既治朝野式瞻送終之典

更隆摺紳翹德公赤野生於青田矯翰家蓄古賢之操

門傳高士之節季甫一歲穉上九國封漁陽縣開國公

食邑一千戶八歲起家穉太子左千牛十一歲朝散大

夫太子通事舍人裏行十二歲奉輦大夫若夫紫禁青

規之所必擇賢而方稔 玉階金闕之前實高門

之口處所以榮加髫髻澤及綺紈鳴玉錯金光前映後

乃人物之儀表實衣冠之領袖重以河山險要惟賢是

居爪牙任切非親莫委麟德華中穉左武衛大將軍賀

蘭州都督自非承家奔口累代衣纓焉可內奉鈞陳外

膺刺舉者矣相府在藩為涼州道元帥以公為左口軍

摠管侍中姜恪為涼州鎮守大使以公為副然則朝端

妙選實佇異能望重材高允膺僉屬後以鼂海未靖地

川尚阻戎車所及口口英將從中書令李敬元征吐蕃

公為百海道統略使於是南討吐蕃北征突厥累摧兇

醜勲績居多後狼山及單于餘孽復相聚結奉

制討擊應時平殄前後賞勞不可勝紀改穉左驍衛大

將軍襲爵涼國公食邑三千戶賜錦袍寶帶金銀器物
雜綵綾錦等數千件穉長男提三品以酬功也仍改為
燕然道鎮守大使檢校九姓及契苾部落公假裝遠

望赤水而前驅勁騎騰空指白蘭而長駕左紫右拂八

校於是爭先斬將擐旗三軍以之作氣遂得降

絲言以隆爵命自

而府而錫珎奇金貝咸紆繒

錦交集列鼎而光祖祚分茅以惠子孫策勳居貳又穉

鷄田口大摠管至烏德建山南招降二萬餘帳縱使李

牧寧部太國和戎推昔撥今當率二尋穉右豹韜衛

大將軍未幾復改穉左豹韜衛將軍并充懷遠軍經略

大使又依舊知燕然道大使公高望重並膺擢得人

之譽聞於朝野惟

大周革命重懸口口權穉鎮

軍大將軍行左鷹揚衛大將軍餘竝如故有

制

日鎮軍大將軍行左鷹揚衛大將軍兼賀蘭州都督契

苾明妻涼國夫人李柔順成姿幽閑植性肅綉婦德每

勤於口口口贊夫家必存於忠義既竭由衷之請宜覃

賜族之恩并及母臨洮縣王並蒙賜姓武氏公侯必復

河洛胄賢屬

實運之開基接

仙潢而錫

派惠貞無替聲振金氏表裏承

恩勲高石宛後

穉朔方道摠管兼涼口肅瓜沙五州經略使度玉關而

去張掖棄置一生職弱水而望沙場橫行萬里幄中有
策閭外宣威豈直操履冰霜固亦心符筠玉名高一代
氣逸九香者矣既而司寇逝川俄結頽山之恨將軍大

樹行間斷石之嗟悲夫以堊塋元季臘⑥廿三⑦遵疾
薨於涼州姑臧縣之里第春秋卅有六 制曰悼

往贈榮經邦之懿典飾終加等列代之徽猷諒以褒德
勤能念勞追舊者也故鎮軍大將軍行左鷹揚衛大將
軍兼賀蘭都督上柱國涼國公契苾明理識開舉局量
沉雄家著勤誠代彰忠懇早膺朝寵夙紹庭規秩峻銜
珠寄隆賜鉞入叅巡口口慎之譽必聞出綏藩落威惠
之聲兼濟口口轡不畱夜舟俄徙未窮遠略奄謝昭途肅
想嘉庸良深矜歎宜申殊澤式旌幽壤可贈使持節都
督涼州諸軍事涼州刺史餘如故賜物三百段便於涼
州給付所緣葬一事以上竝令官供仍差涼州都督府
長史元仁儼監護仍令朝散大夫通事舍人內供奉邊
懷秀弔祭既而居諸易遠宅兆攸資金鳧泛泉玉鷄伺
旦專以 大周萬歲通而元季歲次景申八⑧庚

午朔十五⑨口申葬於咸陽縣之先塋禮也禮司諡曰
公夙承門閥早踐通班茂績昭宣聲望顯著學該流略
藝擅兵鈴以孝安親以忠奉國終始如一存沒不渝旌
善易名宜遷典寶按諡法寬樂令終曰靖諡曰靖公
惟公降淳粹而蓄環奇稟清忠而挺才望韶儀淹雅難
窺於得失逸調清通不測其涯涘抑揚人傑彫績士林

等桃李之無言若朱藍之在性先仁而後已鄙利而尚
賢亭亭有千丈之幹其高非易仰汪汪如萬頃之陂其
深不可測有碩學焉有令問焉擅班馬之雄辯著靈地
之雅作逸氣上煙霞之表高名振朝野之際五公七侯
之盛僅可執鞭曜蟬鳴玉之榮纔堪捧轂如揚彪之承
伯起若班固之嗣叔皮加以懸榻翹賢分庭接士衣裘
羣馬朝成夕費兼濟之性光映人物乃構厦之良材映
車之名寶者矣夫人唐膠西公孝義之長女也齊輝葵
彩擢幹瓊枝在敬率由於自然抑揚女史溫柔稟之於
本性光輝內則旣而雄劒潛鋒朋城起恨毀瘠逾於大
禮攀錦泊乎剪髮夷夏足其悲哀搢紳增其慘感屈已
而遵女誡飭躬而宣婦道可謂承家稟訓執仁組行者
歟長子左豹韜衛大將軍兼賀蘭州都督上柱國涼國
公從次子右武威衛郎將上柱國姑臧縣開國子嵩右
玉鈴衛郎將上柱國番禾縣開國子崇等竝早涉義方
夙延庭訓孝心冥辨至德純深口口侯口口纏憂先嘗空口
充窮盈感孺慕增悲棘兒由平絕口柴毀幾於滅性可
謂至道冠幽明窮迷傷骨髓哀輪踴踴獨超前輩雖凶
極之誠踐霜露而逾感相質之重映今古而垂裕是用
俯求翠琬式樹豐碑家風祖德居口在斯用以光士行

用以芳本枝歷千秋芳無數經百代芳無虧銘曰

東井蒼蒼西土茫茫而開分野基列封疆門多英毅代

產忠良偉哉人物分乎典章其前涼後涼乃祖乃父赫

奕冠蓋蟬聯文武金箱玉質光台映輔至德符孝貞心

翼主其可汗嗣立抑揚流輩業盛後昆道隆前肅遐迩

欽挹夷夏欣戴四海英髦共推貞槩其特勤垂裕搏風

振翼孔席申歡嵇松比直智水游泳仁山止息討本尋

源斯標岐嶷其毅公雅節莫之與京既忠且孝王佐人

英研精流略損口良平昭昭餘慶恤驛膺榮其挺生異

材鄙華振響未盈小學亟承恩弊門閱易隆墻切難仰

學行無數名實逾廣其露冕開河式清邊傲遠宣威德

聿敷名教肅彼夷落鎮茲襟要人揚德宇窮微盡妙其

綏邊寄重尤資望族顯允奇材悠然嗣福外清荒憬內

膺榮祿揔戎之寄聲連祕牘其說說于隰屢警邊城侵

口躍馬槩口揚旌橫雲列陣背水開營未經千日俄夢

雨楹其九口駕難畱居諸易促旋悲口珮遠傷埋玉松蔭

龍芳均青草繁墳芳吐綠式雙貞琬以光勝躅其

先天元年歲次壬子十二月十六日辛亥孤子息持

進上柱國涼國公嵩立

父碑

明契苾何力子也妻師德製文殷元祚書筆法亦瘦

勁可觀碑中契苾何力作河力史謚曰毅疑史為悞

碑中敘明子前曰長男從后曰聳二字自相牴牾且

明長子從襲封涼公而后云孤子息涼國公嵩立又

何也明葬於萬歲通天元年碑立於先天二年仍稱

大周革命仍用武氏製字都不可曉其碑華

此碑立於先天元年十二月乃元宗受禪之後其中

特勤字再見皆特勒之訛按北史突厥傳大官有葉

護次特勒唐書突厥傳可汗者猶古之單于其子弟

謂之特勒通典同溫公通鑑考異曰諸書迴紇傳依

託高車臣屬特勒近謂之特勒無君長契苾何力傳

父葛隋大業中繼為莫賀咄特勒隋書高祖紀突厥

雍虞間可汗遣其特勒來朝李崇傳突厥遣使謂崇

曰若來降者封為特勒史傳中稱特勒者甚多此乃

作特勤又稱公權神策軍碑亦云大特勤嗚沒斯此

皆書者之誤若其中有云玉質金相作箱鷹揚字前

从木後从才又其小失也金石文

右契苾明碑按史何力十二遷為本蓋大夫碑作奉

蓋大夫當以碑為正碑云公三子長曰從次曰嵩次

曰崇史云聳襲爵碑稱涼國公從固矣碑末又云涼

國公嵩立父碑何也且從古碑文無父碑二字考開

元改元在先天二年之十一月立碑在前猶稱二年

題云大周者明蓋葬于萬歲通天之元年必葬時製

文及書故云大周革命并用武后所製之字也

金石錄補

右碑在縣北五里雙泉洞微東北上崖字近下面碎

落僅可意會識之上面則猶初然也

咸陽金石遺文

按唐書契苾明傳悉與碑合石墨鏤華云長子襲封

涼國公而後云孤子息涼國公嵩立又何也明葬於

萬歲通天元年碑立於先天元年仍稱周革命仍用

武后製字都不可曉金石文字記亦以此爲疑愚謂

此蓋明葬時妻爲之製文殿爲之書是以稱大周用

武后所製字其碑中稱李孝義爲唐膠西公以在周

時不得不稱唐也碑文已書而未立至先天二年始

立耳不然蔓師德卒於聖歷元年至先天元年已十

餘年矣焉能起而爲之製文其先天元年數行書法

似別出一手且所書俱不用武后字可爲明驗無疑

至立碑乃次子嵩或製六書碑時三千無恙至先天

時聳已故焉知非次子嵩襲爵葬時嵩與崇不過子

爵今嵩稱涼國公涼爲契苾氏世爵此亦一明驗史
雍州金石

止言聳襲爵不言嵩又襲爵何知非史之闕耶

記

右涼國公契苾明碑文稱長子左豹韜衛大將軍兼

賀蘭州都督涼國公名已漫漶然上牛從字猶依稀

可辨据唐書本傳云子聳襲爵則是聳字但此碑前

云授長男從三品而次子嵩崇爵名皆從山又疑當

爲從字蓋卽從而移其山於下耳末題先天元年十

二月十六日孤子息特進上柱國涼國公嵩蓋立石

距製文之時已十有六年長子沒而更以嵩襲公爵

亦史所失載也碑用武后新製字惟府君之君聖人

貞觀之聖仍書本字

渭研堂金石文跋尾

唐時單于稱可汗其次謂之特勤又或作勒勤亦謂

之特勒按北魏書有宿勤明達北史作宿勤其誤與

此同

關中金石記

余近得拓本僅得其半就文內與史有可參校者新

唐書明本傳年十二遷本輩大夫今碑作穉奉輩大

夫

穉卽授字亦作穉

百官志掌輩四十二人奉舉十五人然

則本輩亦依碑作奉輩而史云擢嫡子三品官下云

子聳襲爵今以碑証之有云穉長男從三品與傳同
下文列明子嵩崇等並以行次從山而史但作聳誤
也明父史作何力此碑何作河蓋漢碑何多作河如

吳公碑逢盛碑李何字皆作河則何與河古用字亦

可通也碑立于先天二年十二月爲元宗受禪已後

故碑首行云式隆王道隆字闕中畫又有鑿璽元年

鑿卽證唐君臣正論武后改易新字以永主久王爲

證此又以永主人王爲證

校室金石跋

按契苾明爲何力之子李義山詩集有贈別前蔚

州契苾使君詩原注云使君遠祖國初功臣蓋指

何力父子也義山爲文宗時人距國初二百餘年

則與義山同時者必是何力之八九世孫玩義山

詩云夜掩牙旗千帳雪朝飛羽騎一河冰則亦有

戰功可紀卽其高曾之世亦似有勤王之功著于

實錄詩故又有奕世勤王國史稱之語惜兩書不

載其文故附記于此

周公祠碑

碑高七尺廣三尺五寸五分二十七行
行三十四字正書篆額在偃師縣學

周公祠碑

并序

朝議郎行偃師縣尉賈口義撰

原夫陰陽不測之謂神變化無窮之謂聖聖也者範圍

天地贊萬物而不口其功神也者探隨窈冥降百神而

不口其惠持太極之幹運日月齊明振中古之暮猷乾

坤合度盛業冠於百代美化流於四國其生也口我爲

光輔其逝也薦我爲明神所謂有始有終可久可大者

也公字朝明文王之子武王之弟成王之叔父也昔堯

臣以披積踐祚初開口地口宜殷伯以積惠累仁終翦

格天之業登太極而承元吉資中和而誕賢聖知微表

於幼顏繼體分於正氣兵戈已偃西周之靈數攸歸宅

土口封東魯之衣冠允集故能勤勞家國翊亮白衡植

珪璧而拜三壇御冕旒而朝萬寓鳴鳴救其衰亂狼跋

明其口始尊嚴其父孝理也炯誠其子卑牧也七月艱

難陳業也三年征伐敘功也復子實位不虧忠敬之誠

開我金縢迺得風雷之意於是測四方以定都邑分六

職以明典刑制立口口安上理人則俎豆之法行揖讓

之儀備制大樂以移風易俗則和感之音暢舞詠之情

宣詳八卦而究精微演六爻而告疑滯所謂極深研精

立功成器以爲天下利者也敢問先王之惠何以加於

口乎若廼示諸仁藏諸用道藝可以激揚今古軌摸可

以粉澤人倫懸萬煥然不假一二談也嗟乎天遣有盈

虛人事有存沒猶使百年黎庶驚軒帝之威靈四序蒸

嘗用君王之典則非天下之至聖孰能與於此哉偃師

縣祠堂者按圖經云後人懷口恩所置也賈陽岑之巖

險面通谷之縈紆四水以爲川二室以爲鎮重檐累拱
登玉戶而三階洞室迴廊列金楹而四合壽宮肅肅備
物嚴嚴宛若居攝之仁明穆如行化之易簡孝若之俳
側庭廡未足贊其精微靈均之倦机階除不能訶其恠
異易稱王假所以致孝享詩稱天作所以祀王公崇敬
則遐迕同臻嘉祥則賢愚共被若邇日之吉辰之良銀
峯繡軸溢通莊會舞安歌紛滿堂樽酌莫芳矧桂瓊鐔
鳴兮琳瑯下禱戴芳介福上歆馨兮樂康雖盛凝之持
戒練心傾恒不怠劉長之去邪歸道拜謁逾勤正直聰
明於是乎□□以癸丑秋末迄于甲寅夏首西郊不雨
南畝亢陽八溪以口渚濱河罕植青草 九重以握珪
沉璧屢口皇華闕口無鶴立之徵田夫有狼顧之懼尹
上柱國武威縣開國子隴西李傑山河開氣廊廟宏材
允四海之具瞻裁三川之景化西京竹潤稍口分陝之
郊東都思理再臨惟洛之邑好豪慾而疑滯割鯨寡悅
而禮義行惠澤布濩頌聲洋溢正義大夫行少尹護軍
彭城劉頌正義大夫行少尹上柱國博陵縣開國男崔
元祐並星象之奇衣冠之秀器惟經國六藝襲於班楊
口以佳時令望見於臺閣佐官司錄柳齊物等竝陟遐
自述始當州府之勞擇士角才終踐公侯之望朝請大

夫行令博陽縣開國男彭城劉體微金枝玉葉之門上
善通賢之量歷雙臺之鯁直聞雷邑之風口立義不欺
兼并自息通直郎行丞王純朝議郎行主簿李循古承
議郎行尉崔延祚莫不珪璋比惠麟鳳成文藏用於東
畿安卑於西臺咸以分官濟俗共理經邦欽若

皇情特憐黔首吁嗟廟宇申至理之馨香拜起靈壇奠
明祈之蘋口誠敬如在神聽無違言未畢而布油雲禮
未終而澍甘液三農有慶八政口口口口口口口口
口口而家邦可制非聖人之利物豈能與於此者是有
黃髮兒齒之徒相與而稱曰昔文翁以化漸蜀川猶存
古廟子產以政行鄭國尚列遺祠况乎道惠均兩儀神
靈庇萬代而頌章斯闕盛事莫傳蒙少忝青衿晚紆黃
綬勤誠不夢豈吾道之將衰遊口難言冀斯文之未喪
頌曰

伊太初兮惟混惟茫暨中古兮無制無防大忠勤國兮
輔我君王至道被物兮明口典章乾坤可測兮陰陽會
合威儀不差兮禮樂鏗鏘上惠口口兮先靈如在下人
蒙庇兮遺惠不忘春夏炎赫兮銷流金石官寮祈請兮
拜伏壇場神聽之兮密雲已灑人賴之兮零雨其霑喜
大田之多稼望高廩之盈倉羞蘋蘩於祭禮建碑頌於

祠堂松柏森沉兮歲入煙霞蕭索兮山荒謁明神於此地降福祚之穰穰

建 大唐開元二年歲次甲寅十二月甲寅朔五日戊午

上柱國子口口口鳳仙鑄勒

按碑所載偃師縣祠口者按圖經云後人懷口恩所置也貞陽岑之巖險面口谷之繁紆其文述祠之始末基宇略可推見如此伽藍記首陽舊有周公廟世隆欲以太原功比周公故立此廟廟成爲火所焚今是碑舊在縣西之石橋堡石橋與首陽比近碑亦云貞陽岑則祠卽爾朱時所營造由其廟焚以後唐猶依其故址也碑又云以癸丑秋末迄於甲寅夏首西郊不雨南畝允陽按新唐書元宗紀開元二年五月壬午以關內旱求直諫云云據此則東都亦旱矣史文或有闕記也五行志開元二年春大旱按碑云癸丑秋末迄於甲寅夏首則旱已隔歲非僅一春旱也文內有云公諱旦字朝明公字他書皆無聞獨見於唐碑疑皆後人附會之詞不足據今府志採入謂補史傳之闕蓋失斟也偃師金石遺文記

右周公祠碑朝議郎行偃師縣尉賈口義撰文多漫

總不見書人姓名詳其文義蓋以河南尹隴西李行正少尹彭城劉禎偃師令彭城劉體微等禱雨周公祠有應立石頌之也者舊唐書本紀開元二年正月關中自去秋至于是月不雨人多饑乏遣使賑給名山大川竝令祈祭是時明皇親政姚元之當國民隱不墜于下而守令亦能勤于民事祈禱之誠如響斯荅良足稱已晉研堂金石文跋尾

按文載河南尹李傑少尹劉禎口元口司錄柳齊物令劉體微丞王鈍主簿李循古尉崔延祚凡八人獨李傑兩唐書有傳云傑本名務光相州滏陽人其先自隴西徙馬舉明經累遷天官員外郎神龍初累遷衛尉少卿爲河東巡察黜陟使開元初爲河南尹勤于聽理當食無廢處斷寡婦有告其子不孝者物色一道士按問乃與婦私殺而內於棺潯梁公堰省功速就刊石水濱以紀績此皆見於傳者碑所謂奸豪懲而疑滯訓隸寡悅而禮義行蓋約略言之也兩傳俱云以護橋陵作賜爵武威子橋陵爲睿宗陵開元四年始葬此碑立于開元二年已云武威縣開國子則在護橋陵之先二年矣恐傳誤也文內凡用字俱闕筆作用當必有

所避耳

少林寺戒壇銘

石橫廣一尺四十六分高一尺三寸二十一行行十八字正書

唐少林寺戒壇銘有序

三藏法師義淨製

括州刺史李邕書

沙門如通立石

伏靈芝刻字

少林寺戒壇銘泰和書之最小者且刻字稱伏靈芝

乃泰和所自勒尤是其絕矜意之作然考都氏金薤

琳瑯所載文同而款特異為南館學生張傑書余未

見張本疑不能釋豈此或繫重刻歟然觀其筆法蒼

秀定非重刻及以此本細按金薤琳瑯彼闕九字此

一字無關其間多寡異同者又有數字然後知當時

蓋有兩刻而曹秋岳金石表亦竝載之其為兩刻無

疑也戒壇始於長安四年碑建於開元三年舊史邕

貶括州司馬在開元三年以後十三年以前然為括

州司馬未嘗為括州刺史也其為括州刺史在配流

嶺南後新史云開元二十三年起為括州刺史而此

銘立於開元三年正月已稱括州刺史豈兩史皆誤

歟虛舟題跋

許靈長先生跋云余見北海書數十種用筆各異唯

岳麓雲庵相似此帙世不概見出奇無窮抑先生晚

年之筆與每作志傳皆手自勒石伏靈芝黃仙鶴皆

寓言也許故書家善鑒別以此碑筆妙并信其手勒

其推重此碑如此按金薤琳瑯記戒壇碑其云三藏

法師義淨製開元三年正月十五日立皆同碑本獨

錫東垂觀盛事而隨喜略刊紀乎斯文

開元三年正月十五日建

於書人則云南館學生張傑又注闕字凡九不似碑本之無一闕字明是李張各有一碑矣獨不應立碑之同月日也是不可解也弇州續稿云少林戒壇銘開元三年為學生張傑書當是時傑應尚少且不以書名而筆法老成乃爾又時未盡習帝書故猶有瘦勁意此條與金薤琳琅俱是作張碑跋不及李碑誠無足怪而嵩山志云張傑書天下金石志云張傑八分書俱言張而不及李豈於李碑皆未之見耶親妙金石考

按碑題括州刺史李邕書開元三年正月十五日

建舊唐書李邕傳中宗時出為南和令貶富州司

戶唐隆元年元宗清內難召拜左臺殿中侍御史

改戶部員外郎又貶崖州舍城丞開元三年擢為

戶部郎中時姜皎用事謀引邕為憲官中書姚崇

嫉邕左遷括州司馬新書惟無開元三年餘同唐書宰相表姚

元之自開元元年自同州刺史入為兵部尚書同

中書門下三品兼紫微令至四年閏十二月罷邕

以三年內權必在正月之後其被姚相忌嫉左遷

亦在三四兩年之間其官郎中從五品上若上州

刺史從三品中下州刺史正四品下惟司馬上州

從五品下中下州從六品上邕以郎中出為司馬故云左遷若為刺史階在郎中上安得謂之左遷乎且碑建于三年正月十五日其時邕尚在崖州即已內召亦當在途若文為三年以前所書似乎由中州遠致崖州碑文非鉅製在少林亦未必若是之跋涉遠求也頗疑所謂邕者竟是託名蓋其時少林寺正當興建戒壇之時寺僧立碑假邕書以取重但據傳聞邕在括州遂以為必是刺史也若使邕自署其官豈有誤書之理且其字蹟秀潤不類北海生平書又疑既是託名則并年月亦是追題似建碑實在邕左遷括州司馬之後或開元三年正月十五日是建戒壇之年月日也銘詞云目觀西域杖錫東埵据上下用韻是論遵文則當作東墳方叶韻非東埵也禮擅弓法土之高考曰墳孔安國尚書序三墳言大道也此碑云東墳即東土之義

劉君幡竿銘

碑高四尺五寸五分廣二尺九寸六分二十二行行三十四字正書

大唐蒲州虞鄉縣令劉君幡竿銘 并序

專我 皇唐之經六合認萬方撫綏圖尊紫極九十

有八年矣實用進忠直黜佞邪尚有功任有德一臻斯
道而天下密如雖堯舜之治禹湯之政對而爲語誠固
何軼然以股肱要口物務殷綵俾將撫字寔冀惟良任
難其人博選髦傑則有我 劉公首膺榮命上口

天心詢事考言 帝俞則寄牽朱絲而就職擁墨綬

以臨人察察焉兢兢焉允允 明王之舉也故嘗以

德惟善政政在養人言念孤弱殆將流涕於是設教敷

化寬獄緩刑黜吏移心兇渠束手誨我子弟植我田疇

庶積其凝人用曷悅加以鐫搖晚酌息前庭之訟端琴

弄寄閑坐北堂之微月則使雙童蜚妾咸曰來蘇杖老

耕夫僉謀再偕然公以志崇靈寂契入道真悟法性空

不生不滅解如來意無我無人則鍾鼎非度世之資軒

裳豈出塵之具方欲潔誠洗慮高致清虛解帶抽簪遶

累天壤廼口茲祿口發此淨心敬樹幡竿於栢梯山寺

之西南岑也錯綜繪綺雕飾梓材匠人盡斧斤之奇女

工窮緝繡之妙規模逾逸今古莫儔迫而察之有若神

化然則前臨峻嶠北負平原崢嶸萬仞蕭條千里風生

北谷韻清響於禪林瀾入猴池靜涓流於定水長蘿挂

日層峯擁雲幽溪不春遂壑無景殊形言狀不可殫論

信山岳之神秀雲仙之所窟宅然僕識口口口材行庸

疎式踐文場猶迷閭闕初航學海未辯波潮好事必旌
常有其志口口口寺都維那法泰上人爲予傳之偉其
事績目雖口觀耳所翫聞粉墨抽毫式銘景福其口曰
於赫有唐紹統三光功侔往帝名超上皇四海無外率
土賓王剋明^美口俗阜人康^其一英英 劉公恪口榮秩
臣道斯備黃裳元吉取則韋茲性兼舒疾人口宗口口
猶冬日^其思絕鍾鼎契入幽真念茲含識幾慟心神廼
眷南顧廣樹冥因華幡口日雕竿倚雲^其直侵黃道迴
瞰紫微晴虹偶影度鳥驚飛莊嚴孔備功德巍巍配山
河于永固与天地而同歸

開元三年歲次乙卯正月甲申朔廿八日辛亥畢功

上坐崇簡

寺主彥琮

按碑題虞鄉縣令劉君而文中不著其名文云敬

樹幡竿於栢梯山寺之西南岑也山西通志虞鄉

縣山川條載栢梯山在栢梯村即檀山半也鬱巘

懸絕連木乃陟百梯方降鑿石闢蹊憑崖標閣下

引劉行忠幡竿銘數語與此碑文合是縣令爲劉

行忠矣又通志寺觀條下虞鄉縣石佛寺在縣西

南三里卽古百梯寺司空圖有上百梯寺懷舊僧

詩下引虞鄉令劉行忠幡竿銘數語亦即周此碑

則此寺爲幡竿之所在矣柏梯百梯想通稱也

醴泉寺誌公碑

文從裴本錄出碑之高廣尺寸行字數皆無考正書篆額今在鄒平縣

大唐齊州章丘縣常白山醴泉寺誌公之碑

上京大薦福寺奉敕口慶 綴文沙門元傘

關薦福寺口口翻經院校勘沙門正智寺都維口僧

道寂建此寺

口口曇花未出庸詎知寂滅之名覺日猶口曷嘗識苦

空之相口夫金儀下絳含靈口淨月之光寶教旁流口

口口雲之潤三車口駕關化工口口口香不息所以

化身周流於別土神口口口於塵沙或十大聲聞駐形

口口一方菩薩納景涼臺觀口背嶺以宣慈清辨起關

未掩白足口口佛法之口口口月口咸口王城之舍蓋

口生口道口境發口若不人口具口口口口諦幢高口

者與今此醴泉寺者是宋齊關經文師即口口身之苦

薩口遊神境來屆茲山棲託噉阿津脩禪寂以爲此地

元武之分青龍口口口口首以開疆據天齊而劃野却

關尚父之口居九合一匡齊桓公之霸國爾其常日山

者迺摩天口地掩映蔽虧抱泉石以娛神出雲霞而養

性山毛地髮名花將軟草連芳關下人口口繪口口形勝

口口招提自後七級崇圖口起舍佉之寸五層系口重

標戰勝之門海目山亭妙相殫於變態虹梁鳥革大壯

關下綵畫口口塵凡口口香口水調八解之口風口五音

之說息心之輩見流注以超昇廻面之徒仰幽關而悟

入時逢口口代屬關下金林玉口寥落幽巘我國家灌頂

四天纂圖千帝以佛乘爲鳥馬用道品爲城郭八方起

峇口口道形九口聚鹽情殷關下佛口口此精廬口通堯

日三齊族姓向梵境以翹誠四履口口仰釋天而矯首

又屬中宗孝和皇帝龍興漢道八天經關下周法界去景

龍二年歲次景午爰有齊州正智寺都維智仁萬俗姓

李字道寂慨茲墮堅抗表口口宗天鑒至誠特賜名關下否

而還泰山靈掩以重開法俗歡康人神一悅初師之行

進表也夢乘船上山及翌口口赴朝所則無礙豈非興廢

口定通口懸期關下俶裝東上將口口州口口三藏義淨

法師各代高僧天下重德先奉敕於大薦福寺口口口

律以口口口口口勝緣口城在東倍增關下四口降靈

五口德口人天之表名揚宇宙之閒聖口難口神功巨

測及將命星發載達京口口口口口口口口口口時有

關下身口口輟絃歌歲口口口即以二月八日親率合境

老幼大會新寺表慶天恩又於□□之□尊卑就列鴈

行齊聽下忽見有醴泉□□□□三四尺深淺三尺餘

色淨味甘爰符瑞典挹酌同飲咸覺蠲痼豈不以□福

□圓三靈允答光揚寶□滋液金場故下上聞□□垂

威有敕改名爲醴泉寺仍更抽入冊九僧住持行道自

龕波再委王題重開日殿赫而□昇月宮華而桂滿若

乃下海精勤以齊深戒月澄空□□密霧禪燈焰室巧

避輕風濯□□之龍□洗毗□之鳥眼長袿五住遠効

四心刷□鴈以飛雲轡下捨生之地續桂□□有情根

軌足方□鳴金鼓□功不朽流福無窮斯並先帝之本

願莊嚴法師幽贊威神之所致也又師遊戲生死示下

儼如親對即平時所將黑犬亦繫具□□厥□□無願

不從迺至有患心痛者但取廟前少土和水服之應時

便愈遺形是託神靈保持由是下梁寺史傳師本俗姓

朱氏金城人也少出家□□道林寺僧儉法師爲和土

業存禪□宋太始初漸彰異迹居止不定飲食無時長

髮跣足每下詞同識記言不虛發應驗如神或□視通

於北□分形遍於南國奇怪忽恍不可殫論以天監十

三年歲次甲午十二月八日下相奄然示終時有異香

□開善精舍敕陸倕製銘於冢內王筠勒碑於寺陰下

生及其去也以精靈度物哀憐庶類福祚皇王且彼託

鍾山此依常白彼葬龍阜此□龍臺前王掘風建開善

之墳後帝傾□□醴下至今大唐太極元年歲次壬

子皇帝御天下之三載凡一百九十九年化化之緣古

今無盡明明之德日月彌新其所變現之梗概下之□

衆所未諒恭敬者隨時受福疑慢者應念立徵事迹繁

夥不可備載當嘉聲上徹先帝令左臺監察御史宋務

先親加檢覆下八正所以知歸一屬□緣獲未曾有□

□復命倍沃天心刺史楊元禮分符北極露冕東藩□

雨逐於行車仁風隨於轉扇黃金下追鳥跡於上乘想

□□□□□繩寶地□動天宮薦瑞香園延光帝載

縣丞主簿縣尉□舍下羣物揚舲彼岸錄事□□鄉□

等門滋蘭□□□芽忠信滿於州閭因果□於□□

□□虔命□奉下九地荷於津通貝樹披春帝王之遺

文秩矣金□□諸佛之正道通矣迷津□路菩薩運

載之乘行矣□□□□□□□□之下况靈天大造充

溢於盡空淨域鴻緣牢籠於無外昔迦□□□如來垂

讚歎之□□彌勒當□□□表歌揚之偈若稽古訓式

樹□碑仍於下銘曰

此爲試讀，需要完整PDF請訪問：www.ertongbook

www.ertongbook

www.ertongbook

www.ertongbook

www.ertongbook

www.ertongbook

www.ertongbook

www.ertongbook

www.ertongbook

www.ertongbook

www.ertongbook

www.ertongbook

www.ertongbook

www.ertongbook